

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA

Komisija za jednakopravnost spolova

Broj: 02/9-02-126525

Sarajevo, 10. juni 2025. godine

DOMU NARODA
PARLAMENTA FBiH

Bosna i Hercegovina
Federacija Bosne i Hercegovine
PARLAMENTI FEDERACIJE
SARAJEVO

Primljeno: 10-06-2025			
Org. jed.	Broj	Priloga	Vrijednost

Komisija za jednakopravnost spolova Doma naroda Parlamenta Federacije Bosne i Hercegovine (u daljnjem tekstu: Komisija) održala je 10. juna 2025. godine 12. sjednicu na kojoj je razmatrala:

- **Prijedlog zakona o izmjenama i dopunama Krivičnog zakona Federacije BiH**
- **Inicijativu za uvođenje pratnje tijekom porođaja (porodiljama) u zdravstvenim ustanovama (podnosioci „Glas žene“ Bihać i Ilda Alilbegović, zastupnica u Zastupničkom domu PFBiH; „Baby steps“ Sarajevo)**

Komisija, na osnovu člana 51., a u vezi s članom 63. Poslovnika o radu Doma naroda Parlamenta Federacije Bosne i Hercegovine, podnosi sljedeći:

IZVJEŠTAJ

Prijedlog zakona o izmjenama i dopunama Krivičnog zakona Federacije BiH

Nakon uvodnog izlaganja Tijane Babić iz Federalnog ministarstva pravde koja je pojasnila suštinu „ciljanih izmjena“ - usklađivanje Krivičnog zakona Federacije BiH sa Istanbulskom i Lanzarote konvencijom, odnosno suzbijanje nasilja nad ženama i porodičnog nasilja - uslijedila je rasprava u kojoj su učestvovalе sve prisutne članice Komisije.

Budući da je bilo nejasnoća u vezi otkupa zatvorske kazne, predstavnica Ministarstva istakla je da novi prijedlog teksta podrazumijeva da više nije moguće otkupiti kaznu u trajanju do jedne godine za slučajeve silovanja, (Čl.9. st.4) „Kazna zatvora izređena u trajanju do jedne godine ne može se zamijeniti novčanom kaznom za krivična djela protiv ustavnog poretka Federacije, trgovine ljudima i organizirane trgovine ljudima, krivična djela protiv spolne slobode i morala, krivična djela spolnog zlostavljanja iskorištavanja djeteta i krivična djela protiv braka, porodice i mladeži.“), a da se u slučajevima ratnog silovanja primjenjuje zakon koji je tada bio na snazi, nakon čega je usvojen sljedeći:

ZAKLJUČAK

Komisija podržava usvajanje Prijedloga zakona o izmjenama i dopunama Krivičnog zakona Federacije BiH i sugeriše Domu da učini isto.

Inicijativa za uvođenje pratnje tijekom porođaja (porodiljama) u zdravstvenim ustanovama (podnosioci „Glas žene“ Bihać i Ilda Alilbegović, zastupnica u Zastupničkom domu PFBiH; „Baby steps“ Sarajevo)

Nakon obavljenih rasprava i konsultacija sa relevantnim institucijama i udruženjima, Komisija je jednoglasno podržala Inicijativu za sistemsku uspostavu jednakih prava svih porodilja kroz mogućnost uvođenja pratnje tijekom porođaja (porodiljama), tijekom cijelog trajanja poroda u svim porodilištima u FBiH i s tim u vezi usvojila sljedeći

ZAKLJUČAK

- 1. Komisija za jednakopravnost spolova Doma naroda Parlamenta Federacije Bosne i Hercegovine podržava Inicijativu za sistemsku uspostavu jednakih prava svih porodilja kroz mogućnost uvođenja pratnje tokom porođaja (porodiljama), tijekom cijelog trajanja poroda u svim porodilištima u FBiH koju su podnijeli organizacija „Glas žene“ Bihać i Ilda Alilbegović, zastupnica u Zastupničkom domu PFBiH; i udruženje „Baby steps“ Sarajevo).**

Također, Komisija je usvojila i prijedlog predsjednice Komisije da Domu naroda Parlamenta Federacije Bosne i Hercegovine na današnjoj sjednici bude dostavljen sljedeći zaključak na izjašnjanje:

Dom naroda podržava Inicijativu za sistemsku uspostavu jednakih prava svih porodilja kroz mogućnost uvođenja pratnje tijekom porođaja (porodiljama), tijekom cijelog trajanja poroda u svim porodilištima u FBiH i zadužuje Vladu Federacije i nadležno ministarstvo, da u najkraćem roku, a najkasnije za 90 dana, izvrše analizu trenutnog stanja i zakonskog okvira i predlože donošenje propisa koji će omogućiti pratnju osobe po izboru porodilje tijekom cijelog trajanja poroda, i to kao obavezni standard u svim javnim porodilištima u FBiH.

Za izvjestiteljicu na sjednici Doma naroda određena je Aida Obuća, predsjednica Komisije.

PREDSJEDNICA KOMISIJE

Aida Obuća